

ORDENANZA 1.05
IMPOSTO SOBRE ACTIVIDADES ECONÓMICAS

Artigo 1. Natureza e feito imponible

De conformidade co previsto nos artigos 78 e seguintes do Real decreto legislativo 2/2004, de 5 de marzo, polo que se aproba o texto refundido da lei reguladora das facendas locais (TRLFL), o imposto de actividades económicas é un tributo obrigatorio, directo e de carácter real, que grava o mero exercicio, en territorio nacional, de actividades empresariais, profesionais ou artísticas, que se ejerzan ou non nun local determinado e se atopen ou non especificadas nas tarifas do imposto.

Artigo 2. Exencións

1. Están exentos do imposto os suxeitos pasivos previstos no artigo 82.1 do TRLFL.
2. As exencións especificadas nas letras e), f) do devandito artigo 82.1 terán carácter rogado, debendo presentar coa declaración de alta, a seguinte documentación:
 - No suposto da letra e) de organismos públicos de investigación e establecementos de ensinanza: certificación da administración correspondente acreditativa do financiamento da entidade
 - No caso da letra f) de asociacións sen ánimo de lucro de diminuídos: certificación do órgano do que dependan, acreditativo da natureza e fins da entidade.

Artigo 3. Bonificacións

- 1 Os suxeitos pasivos terán dereito ás bonificacións previstas no art. 88.1 do TRLFL.
- 2.- Os suxeitos pasivos que tributen por cota municipal e que teñan incrementado o promedio da súa plantilla de traballadores con contrato indefinido durante o período impositivo inmediato anterior ao da aplicación da bonificación, en relación co período anterior a aquel, disfrutará da seguinte bonificación sobre a cota tributaria:

Incremento no nº empregados con contrato indefinido	Bonificación
Entre o 5 e 10%	20%
Máis de 10% e ata o 20 %	35 %
Máis de 20 %	50 %

A documentación acreditativa será a seguinte:

- Certificado/s da Tesourería Xeral da Seguridade Social da vida laboral da empresa acreditativo dos extremos especificados no punto dous deste artigo.
- Fotocopia dos contratos laborais dos traballadores contratados no período impositivo inmediato anterior ao de aplicación da bonificación.

3.- Establécese unha bonificación na cota do imposto de actividades económicas para os suxeitos pasivos que tributen por cota municipal e desenvolvan actividades económicas que sexan declaradas de especial interese ou utilidade municipal por concorrer circunstancias de fomento do emprego a xuízo do Pleno da corporación, co voto da maioría simple dos seus membros, previa solicitude do interesado e informe do departamento de Emprego.

3.1.- O solicitante, que en todo caso debe ser o titular da actividade económica, deberá presentar xunto coa solicitude:

- .- Memoria xustificativa sobre o proxecto da actividade económica de nova creación ou de ampliación das instalacións, na que constará a creación de novos postos de traballo, o número de novos postos de traballo, a súa categoría profesional e a modalidade e duración da contratación.
- .- Certificados de estar ao corrente coa Facenda estatal, autonómica e coa Seguridade Social.
- .- Identificación da comunicación previa de inicio de actividade ou solicitude do título habilitante para o exercicio da mesma no Concello de Santiago de Compostela.
- .- Informe de vida laboral das contas de cotización dende o inicio ou ampliación da actividade.
- .- Relación dos traballadores contratados con expresión do seu nome e apelidos, NIF, nº de afiliación á seguridade social, data de inicio, modalidade e duración do seu contrato.
- .- Relacións nominais de traballadores –RNT- e recibos de liquidación das cotizacións –RLC-
- .- Copia dos contratos de traballo dos empregos contratados.
- .- No seu caso, TA2 de baixa dos traballadores indefinidos contratados que causaron baixa por dimisión, morte, xubilación, incapacidade permanente total, absoluta ou gran invalidez, ou por resolución durante o período de proba.

.- Certificación de períodos de inscrición da oficina do Servizo Galego de Colocación no que estivera inscrita

.- Informe de vida laboral relativo os doce meses anteriores á data da contratación.

3.2.- Aos efectos deste beneficio fiscal:

a.- Esta medida será de aplicación unicamente a aqueles supostos de implantación dunha nova actividade económica así como a aqueles outros que consistan nunha ampliación das instalacións, sempre e cando implique creación de emprego. O inmovible no que se desenvolve a actividade económica ha de constituír o centro de traballo no que se adoptan as medidas de fomento do emprego.

b.- Considéranse actividades económicas as gandeiras (cando sexan independentes), mineiras, industriais, comerciais e de servizos, e artísticas [Seccións 1, 2 e 3 do IAE].

c.- Entenderase que se implanta unha nova actividade económica cando se proceda a ordenación por conta propia de medios de produción e/ou recursos humanos, sendo a súa finalidade a de intervir na produción ou distribución de bens ou servizos. A aplicación da bonificación requirirá que a actividade económica non se exercera anteriormente baixo outra titularidade. Entenderase que a actividade exercese anteriormente baixo outra titularidade, entre outros, nos supostos de fusión, escisión ou aportación de ramas de actividade, así coma nos casos de constitución de sociedades para o desenvolvemento de actividades exercidas a título individual por un ou varios socios que ostenten o control das mesmas.

Non se considerará nova actividade económica:

c.1 Cando a alta corresponda a unha transformación da forma xurídica da titularidade da actividade.

c.2 Cando a alta responda a un cambio de epígrafe por imperativo legal ou para subsanar unha errónea cualificación anterior.

c.3 Cando a alta se refira a un novo local dunha actividade que previamente se desenvolvía polo mesmo titular.

c.4 Cando a alta estivera precedida dunha baixa de actividade e suxeito pasivo, nun período de 5 anos

d.- Entenderase que hai unha nova construción ou ampliación de instalacións cando conste a autorización municipal que proceda para a súa execución

e.- Enténdese que existe creación de emprego cando se constate un incremento de persoal como consecuencia do inicio da actividade ou da ampliación das instalacións. En sentido contrario non existe

creación de emprego cando non hai incremento neto de persoal no conxunto dos centros de traballo radicados no municipio de Santiago de Compostela.

3.3.- Requisitos adicionais de fomento de emprego:

- .- As contratacións deberán ser indefinidas e a xornada completa.
- .- As persoas contratadas deberán ser persoas desempregadas inscritas como demandantes de emprego nos seis meses anteriores a contratación, xustificándose tal condición mediante a oportuna certificación de períodos de inscrición da oficina do Servizo Galego de Colocación no que estivera inscrita.
- .- Inexistencia de relación laboral coa persoa física ou xurídica contratante durante os doce meses anteriores á data da contratación, acreditada mediante informe de vida laboral relativo os doce meses anteriores á data da contratación.
- .- Non se aplicará o beneficio fiscal cando o titular da actividade económica tivera adoptado medidas de regulación do emprego nos 12 meses anteriores a formalización dos contratos de traballo.

3.4.- Porcentaxes, prazo e mantemento do beneficio

a.- O beneficio fiscal aplicarase durante os tres exercicios seguintes ao inicio de actividade ou ampliación de instalacións, sempre que conte co título habilitante municipal para o exercicio da mesma e se manteñan as condicións que serviron de base para a concesión.

Nos casos de implantación de novas empresas dos sectores da biotecnoloxía e da madeira, e dada a súa importancia estratéxica para o desenvolvemento industrial de Santiago de Compostela, o beneficio aplicarase durante os cinco exercicios nos termos expostos no punto anterior.

As solicitudes presentadas antes do 1 de marzo terán efectos no padrón dese ano. As presentadas con posterioridade terán efectos a partires do ano seguinte

b.- Se distinguen dúas gradacións de porcentaxes de aplicación, unha xeral, e outra para os supostos de construcións, instalacións e obras destinadas aos sectores da biotecnoloxía e da madeira, dada a súa importancia estratéxica para o desenvolvemento industrial da cidade,

b.1.- Con carácter xeral as porcentaxes de bonificación serán:

- .-95 por 100 pola creación de máis de 20 postos de traballo.
- .-75 por 100 pola creación de entre 11 e 20 postos de traballo.
- .-50 por 100 pola creación de ata 10 postos de traballo

b.2.- Con carácter específico as porcentaxes de bonificación para as empresas dos sectores da biotecnoloxía e da madeira serán:

- .- 95 por 100 pola creación de máis de 10 postos de traballo
- .- 65 por 100 pola creación de ata 10 postos de traballo.

c.- O Concello revisará de oficio o mantemento das condicións de creación de postos de traballo durante o período de goce do beneficio. No suposto de que mude o número de postos creados aplicarase a porcentaxe que corresponda de acordo cos tramos indicados. A perda de emprego e a existencia de débedas do suxeito pasivo no período de goce do beneficio fiscal suporá a perda do beneficio fiscal

4.- Os suxeitos pasivos que desenvolvan unha actividade industrial e tributen por cota municipal, gozarán dunha bonificación sobre a cota tributaria do 50% , cun tope de 500 euros anual, sempre que cumpran coas seguintes condicións:

a.- que empreguen e produzan enerxías a partir de instalacións para o aproveitamento de enerxías renovables ou sistemas de coxeración, nas súas actividades económicas, sempre e cando a potencia instalada en coxeración ou renovables supere os sesenta e cinco quilovatios.

A estes efectos consideraranse instalacións para o aproveitamento das enerxías renovables as contempladas e definidas como tales no Plan de Fomento de Enerxías Renovables. Consideraranse sistemas de coxeración os equipos e instalacións que permitan a produción conxunta de electricidade e enerxía térmica útil.

Non procederá a aplicación da bonificación cando a instalación para o aproveitamento das enerxías renovables ou coxeración sexa obrigatoria segundo a normativa de aplicación ou cando a súa entrada en funcionamento fora anterior ao ano 2012.

A enerxía consumida e producida entenderanse referidas a un mesmo local, non computándose a estes efectos a producida noutras instalacións diferentes sobre as que se calcula o consumo de enerxía.

Cando o suxeito pasivo titular dunha instalación realice máis dunha actividade económica nun local onde se instalara o sistema para o aproveitamento de enerxías renovables a bonificación aplicarase á cota tributaria de maior contía.

b.- que a actividade industrial se desenvolva en inmobles situados en solo de polígonos industriais.

c.- que establezan un plan de transporte para os seus traballadores que teña por obxecto reducir o consumo de enerxía e as emisións causadas polo desprazamento ao seu posto de traballo e fomentar o emprego dos

medios de transporte máis eficientes, como o transporte público ou compartido. O plan de transporte debe ser aprobado pola Xunta de Goberno Local, previos os informes técnicos correspondentes. Deberá acreditarse mediante certificado do grao do desenvolvemento do plan de transporte que a porcentaxe de persoal que utiliza o devandito plan en relación co total do persoal é alomenos un 50%.

A documentación acreditativa que debe presentar o interesado será a seguinte:

.- Certificado do grao de desenvolvemento do plan de transporte, que deberá incluír a referencia ao plan de transporte aprobado pola Xunta de Goberno Local.

.- Documentación acreditativa do uso de enerxías renovables e porcentaxe sobre a enerxía consumida

As solicitudes deste beneficio presentadas durante o primeiro trimestre do exercicio terán efectos nese exercicio. As presentadas fora dese prazo terán efectos para o exercicio seguinte. Para a resolución do expediente de beneficio fiscal deberá emitirse informe do departamento municipal de Emprego que acredite o cumprimento das condicións esixidas para o seu goce.

5.-Os beneficios fiscais regulados neste artigo son incompatibles entre eles

Artigo 4. Procedemento de concesión dos beneficios fiscais

Para o recoñecemento dos beneficios fiscais de carácter rogado, os interesados deberán presentar solicitude acompañando a documentación acreditativa do cumprimento dos requisitos esixidos.

Artigo 5. Coeficientes de situación

1. Para os efectos do previsto no artigo 87 do TRLFL, as vías públicas do Concello de Santiago de Compostela clasificaranse de acordo co disposto no artigo 16 e no Anexo de categoría das vías da Ordenanza Xeral de Xestión, Recadación e Inspección dos tributos e doutros ingresos de dereito público local do Concello de Santiago de Compostela

2. Sobre as cotas incrementadas por aplicación do coeficiente sinalado no artigo 86 do TRLFL, e atendendo á categoría fiscal da vía pública onde radica fisicamente o local en que se realiza a actividade económica, aplicaránse os coeficientes de situación fixados no citado Anexo

Artigo 6. Período impositivo e data de esixibilidade do imposto

1. O período impositivo coincide co ano natural, agás cando se trate de declaracións de alta. Neste caso abranguerá dende a data de comezo da actividade ata o final do ano natural.

2. O imposto será esixible dende o primeiro día do período impositivo e as cotas serán irreductibles, agás cando, nos casos de declaración de alta, o día de comezo da actividade non coincida co ano natural. Neste suposto, as cotas calcularanse proporcionalmente ao número de trimestres naturais que resten para finalizar o ano, incluído o do comezo do exercicio da actividade.

3. Así mesmo, e en caso de baixa por cesamento no exercicio da actividade, as cotas serán prorrateables por trimestres naturais, excluído aquel en que se produza o dito cesamento. Para este fin, os suxeitos pasivos poderán solicitar a devolución da parte da cota correspondente aos trimestres naturais en que non se exercera a actividade.

4. Malia o disposto nos parágrafos anteriores, nos supostos de fusións, escisións e achega doutras ramas de actividade regulados no Capítulo VIII do Título VII do Real Decreto legislativo 4/2004, de 5 de marzo, polo que se aproba o texto refundido da Lei do Imposto sobre Sociedades, as declaracións de alta e baixa que presenten respectivamente as entidades que inicien ou cesen o exercicio da actividade, producirán efectos a partires do 1 de xaneiro do ano seguinte a aquel no que se produza a fusión, escisión ou achega de rama da actividade de que se trate. En consecuencia, respecto ao ano en que teña lugar a operación non procederá a devolución ou ingreso ningún derivados do prorrateo das cotas polos trimestres durante os cales estas actividades realizaran efectivamente a actividade.

5. Nas actividades de servizos de espectáculos e de promoción inmobiliaria, a parte da cota correspondente aos espectáculos celebrados e aos metros cadrados de terreo ou edificación vendidos será esixible cando se celebren os espectáculos ou se formalicen os alleamentos, respectivamente.

Artigo 7º. Infraccións e sancións

Para todo o relativo á cualificación de infraccións tributarias e a imposición das sancións correspondentes, rexerá o disposto nos artigos 178 e seguintes da Lei 58/2003, de 17 de decembro, xeral tributaria.

Disposición derradeira

A presente ordenanza foi aprobada de xeito provisorio polo Pleno da Corporación na sesión celebrada o día trinta e un de outubro de dous mil dezanove. Contra o acordo de aprobación inicial non se presentaron reclamacións, polo que se entende elevado automaticamente a definitivo. Comezará a aplicarse a partir do primeiro de xaneiro do ano dous mil vinte, e aplicarase mentres non se acorde a súa derogación ou modificación.